

**«ՎԱՆԱԶՈՐԻ ՀՈՎՅ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ԻՆՍՏԻՏՈՒՏ»  
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ**

«ՀԱՍՏԱՏՈՒՄ ԵՄ»  
ՎՊՄԻ ռեկտոր, բգդ

\_\_\_\_\_ Խաչատրյան Գ.Կ.

«\_30\_» \_\_09\_\_ 2013թ.

**«Վանաձորի Հովհ. Թումանյանի անվան պետական  
մանկավարժական ինստիտուտ» պետական ոչ առևտրային  
կազմակերպության հեռակա ուսուցմամբ մագիստրատուրայի 2013-2014  
ուսումնական տարվա ընդունելության կարգ**

Ընդունվել է ՎՊՄԻ ՊՈԱԿ գիտխորհրդում

(արձանագրություն թիվ 8 . «\_\_26\_\_» \_09\_\_ 2013թ.)

**Վանաձոր-2013**

## 1. Ընդհանուր դրույթներ

1.1. Սույնով սահմանվում է «Վանաձորի Հովհ. Թումանյանի անվան պետական մանկավարժական ինստիտուտ» պետական ոչ առևտրային կազմակերպության (այսուհետ՝ Ինստիտուտ) հեռակա ուսուցմամբ մագիստրատուրայի (այսուհետ՝ հեռակա մագիստրատուրա) 2013-2014 ուսումնական տարվա ընդունելության կարգը /այսուհետ՝ կարգ/:

1.2. Սույն կարգի իրավական հիմքն են ՀՀ Սահմանադրությունը, «Կրթության մասին» ՀՀ օրենքը, «Բարձրագույն և հետբուհական մասնագիտական կրթության մասին» ՀՀ օրենքը, ինստիտուտի կանոնադրությունը, ՀՀ ԿԳ նախարարի 2007 թ. դեկտեմբերի 6-ի թիվ 1193-Ն հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը», Ինստիտուտի մագիստրատուրայի ժամանակավոր կանոնակարգը:

## 2. Հեռակա մագիստրատուրայի մասնագիտությունները և տեղերը

2.1. Ինստիտուտի հեռակա մագիստրատուրայի 2013-2014 ուսումնական տարվա ընդունելությունը կատարվում է հետևյալ մասնագիտությունների գծով.

h/h	Ծածկագիրը	Մասնագիտությունը	Որակավորումը
I	II	III	IV
1	031000	Հայոց լեզու և գրականություն	Մանկավարժության մագիստրոս

2.2. Հեռակա մագիստրատուրայի ուսուցումն իրականացվում է վճարովի հիմունքներով:

2.3. 2013-14 ուս. տարվա հեռակա մագիստրատուրայի համար պետության կողմից հատկացված տեղերի քանակը՝ 20 :

## 3. Մագիստրատուրայի ընդունող հանձնաժողովը

3.1. Հեռակա մագիստրատուրայի ընդունելությունը կատարում է ռեկտորի հրամանով կազմավորված հանձնաժողովը Հանձնաժողովի կազմում ընդգրկվում են ռեկտորը (հանձնաժողովի նախագահ), ուսումնական աշխատանքների գծով պրոռեկտորը, ուսումնամեթոդական վարչության պետը, բանասիրական ֆակուլտետի դեկանները, մագիստրոսական ծրագրերի համակարգողը:

3.2. Հանձնաժողովն ուսումնասիրում և քննարկում է հեռակա ուսուցմամբ մագիստրատուրա դիմած անձանց գործերը և կայացնում է որոշում՝ տվյալ անձին հեռակա մագիստրատուրայի ընդունելությանը մասնակցելու թույլտվություն տալու մասին:

## 4. Ինստիտուտի հեռակա ուսուցմամբ մագիստրատուրա ընդունվելու համար դիմելու ժամկետները և ներկայացվող փաստաթղթերը

4.1. Հեռակա մագիստրատուրայի ընդունելությունից մեկ ամիս առաջ զանգվածային լրատվության միջոցներով տրվում է համապատասխան հայտարարություն:

4.2. Հեռակա մագիստրատուրայի ընդունելության համար գործերի ընդունումը կատարվում է 2013թ օգոստոսի 20-ից մինչև 2013թ սեպտեմբերի 20-ը:

4.3. Դիմորդները ներկայացնում են հետևյալ փաստաթղթերը.

- դիմում-հայտ Ինստիտուտի ռեկտորի անունով
- անձնագրի պատճենը
- բարձրագույն կրթության մասին դիպլոմի և նրա հավելվածի բնագրերն ու պատճենները
- հակիրճ ինքնակենսագրություն
- 4 լուսանկար /3x4 չափի/

## *5. Հեռակա ուսուցմամբ մագիստրատուրայի ընդունելության կարգը*

5.1. Ինստիտուտի հեռակա մագիստրատուրա մրցութային կարգով կարող են ընդունվել բակալավրի և դիպլոմավորված մասնագետի որակավորում ունեցող ՀՀ քաղաքացիները:

Օտարերկրյա քաղաքացիները և քաղաքացիություն չունեցող անձինք մագիստրատուրա կարող են ընդունվել միջպետական կամ միջգերատեսչական պայմանագրերի կամ համաձայնագրերի հիման վրա, լրացուցիչ տեղերի հաշվին, ինչպես նաև սեփական նախաձեռնությամբ:

5.2. Հեռակա մագիստրատուրայի ընդունելությունն իրականացվում է երկփուլ ձևով:

5.2.1. Առաջին փուլով ընդունելությունը կազմակերպվում է «Հայոց լեզու և գրականություն» բակալավրի որակավորում ունեցող դիմորդների համար:

5.2.2. Առաջին փուլով ընդունելությունը կատարվում է հարցազրույցի արդյունքներով՝ մրցութային կարգով:

5.2.3. Հարցազրույցն անցկացվում է «Հայոց լեզու և գրականություն» մասնագիտության բակալավրիատի կրթական ծրագրի մասնագիտական ավարտական քննական հարցաշարի շրջանակներում:

5.2.4. Հարցազրույցի արդյունքներով մրցութային հանձնաժողովը կայացնում է որոշում հարցազրույցը հաջողությամբ անցած դիմորդների ընդունելության վերաբերյալ:

5.2.5. Ինստիտուտի ռեկտորի հրամանով հարցազրույցը հաջողությամբ հանձնած և մրցութը հաղթահարած դիմորդները համարվում են հեռակա մագիստրատուրայի առաջին կուրսի կցագրված ուսանողներ:

5.2.6. Առաջին փուլով ընդունելության հարցազրույցն անցկացվում է մինչև 2013թ հոկտեմբերի 2-ը:

5.3. Երկրորդ փուլով ընդունելությունը կազմակերպվում է այլ մասնագիտություն ունեցող բակալավրերի և դիպլոմավորված մասնագետների համար՝ առաջին փուլով ընդունելության անցկացումից հետո թափուր մնացած տեղերի հաշվին:

5.3.1. Երկրորդ փուլով այլ մասնագիտության բակալավրերի և դիպլոմավորված մասնագետների ընդունելության համար կազմակերպվում են ընդունելության քննություններ մագիստրատուրայի մասնագիտացման առարկայից՝ տվյալ մասնագիտության բակալավրիատի կրթական ծրագրի ծավալի սահմաններում:

5.3.2. Երկրորդ փուլով ընդունելությունը կատարվում է առաջին փուլով ընդունելության անցկացումից հետո՝ մեկ շաբաթվա ընթացքում:

5.4.3. Քննական հանձնաժողովը անցկացնում է մրցույթ՝ առաջին փուլի անցկացումից հետո թափուր մնացած տեղերի համար հավակնող դիմորդներին որոշելու համար:

5.3.4. Ինստիտուտի ռեկտորի հրամանով ընդունելության քննությունը հաջողությամբ հանձնած և մրցույթը հաղթահարած դիմորդները համարվում են հեռակա մագիստրատուրայի առաջին կուրսի կցագրված ուսանողներ:

5.4. Դեռակա ուսուցմամբ մագիստրատուրայի առաջին կուրսի ուսանողների հրամանագրումը կատարվում է ուսանողի և Ինստիտուտի միջև պայմանագրի կնքումից և 10 օրվա ընթացքում ուսման վարձը վճարելուց հետո:

## *6. Տվյալներ մագիստրատուրայի ուսումնական գործընթացի մասին*

6.1. Դեռակա ուսուցմամբ մագիստրատուրայի ուսուցման տևողությունը 2,5 տարի է:

6.2. Ուսումնական գործընթացը կազմակերպվում է 2 կիսամյակներով՝ ձմեռային և ամառային քննաչրջաններով:

6.3. Առաջին կուրսի դասերը սկսվում են 2014թ հունվարի 8-ին :